

公姓朱諱祖文字完天長洲人居衮繡坊諸生以周忠介公揚其母節得旌門公矢以死報後忠介被逮公間行至都加寧武子之納館賂行及徵坐昧急思為代完以保其生都門不足奔走吳橋范公定與鹿公單騎冒暑間關千里語撫稍就忠介已斃獄矣既念弗獲視殮哀慟得病踰年卒

贊曰為親報德狗友忘身惟名表行曰孝曰貞

陳


貞

文

像



國家圖書館 NATIONAL CENTRAL LIBRARY, TAIWAN




公姓陳諱元素字古白長洲人弱齡才華書翰已擅一時為長洲令賞識試冠一軍萬歷二十四年省闈主司已擬元時同提調者厄之落去然無不知其名文章外書法尤妙天下踵門稱弟子至有數千里外設臬比者其後先鵠起擢科名指不勝屈侯峒曾楊廷樞尤以文章節義著公性好人倫口不臧否人物書法楷模率更行草入二王之室善寫蘭歿年五十餘後私謚貞文先生

贊曰墨池起波蘭葉生芬能安義命無愧貞文



公姓陳諱元素字古白長洲人弱齡才華書翰已擅一時為長洲令賞識試冠一軍萬歷二十四年省闈主司已擬元時同提調者厄之落去然無不知其名文章外書法尤妙天下踵門稱弟子至有數千里外設臬比者其後先鵠起擢科名指不勝屈侯峒曾楊廷樞尤以文章節義著公性好人倫口不臧否人物書法楷模率更行草入二王之室善寫蘭歿年五十餘後私謚貞文先生




國家圖書館 NATIONAL CENTRAL LIBRARY, TAIWAN, R.O.C.



吳郡名賢圖傳贊 卷十二


公姓文諱從簡字彥可晚號枕煙老人長洲人和州學正嘉之孫諸生工書畫端方自守母王穉登女甘貧守約能訓其子公事母至孝年踰六十始以歲貢入京不就選而歸尋遭世變隱于寒山之麓居五年卒

贊曰寄穩寒山性不苟且善畫工書家世風雅



公姓鄭諱光宙字道夫吳縣諸生師事王敬臣與言道學之要渙然
解悟敬臣暮年有來從游者每謂之曰道夫進業立誠足為學者師
蓋事諸白是生徒日進多至百數說書必依考亭九籟于易多所發
明父病籲天虔禱立愈歿後祭享至老必涕泣盡哀神宗時稅難作
白晝擁眾挾掠機匠楊應春家因公比屋居搖手引散日吾曹舉義
勿驚有道之士一巷冥然臨財毋苟口不談過人有愆恒懼其知學
者稱拱山先生所著有周易管窺四書經注五十卷墓在紫石山
贊曰研索大道闢其機關踐履篤實仰此斗山


願 惠 尔 像





金 誠 孝 像

公姓顧諱士元號翔宇長洲人元振孫諸生為王少湖先生高弟屢
 蹟省闈絕不介意鄉貴人耳其名爭招致之悉謝弗往御史欲以人
 才薦亦堅却之竟以青衿終性友愛同懷六人白首怡怡閨房中悉
 薰其德無勃谿詬誶之風時比之義門鄭氏家道素豐勇於施予無
 少吝惜吳中壽寧古刹歲久傾圮公首出重資葺而新之又修臨頓
 里街數百丈以便往來里人勒碑頌德卒年五十有七私諡惠介先
 生墓在紫石山祀花溪崇報祠
 贊曰聲傾方國惠孚鄉里却聘養親一行卓爾




公姓金諱光裕字誠甫號復恒長洲人少失怙遺田八畝將鬻之以葬戚黨曰盍留贍母公泣對曰古賢鬻身况田乎母氏菽水我事也決計治墓手植松檟旦夕悲號人稱孝子館穀于外崩望歸省炊蔬瀹茗跪而進之中單廁踰之具必躬親焉館去家三十里有傳母疾者時已昏黑冒風雨行雷電大作咫尺莫辨瀕河幾陷者數四遇白鬚翁導歸或傳神相云母病顛天求代及卒哀毀盡禮浹旬廢食終喪亦麓糲麥糜而已每逢忌日動感行路公之學出自王少湖先生門所著有義莊翼家禮約邇言拙語私謚誠孝先生贊曰鬻田葬父授徒養母經師人師無出其右

金

諱

光

裕




卷之二十一

王簡平像



公姓金諱文裕字明甫光裕弟與兄同師王敬臣操守嚴介為童子師婦翁憐其貧強授以金使學賣漿不得已納券留之歲輸子錢不
爽年五十先其兄卒鄉人私謚潔孝先生所著有支離橐
贊曰一介不取歸潔其身二難相并克孝其親

國家圖書館 NATIONAL CENTRAL LIBRARY, TAIWAN, R.O.C.




公姓王諱道通字晉卿嘉定人居羅店鎮諸生負經濟才雅不欲以文章名其及門如趙洪範申芝芳施鳳儀先後登甲科歷廕仕郡守衡岳朱公一見目以國士邑侯純常胡公延之衡齋謀子弟一日見先生衣屨以麻異而問之知為匹師沈衷心喪三年也益敬重之居親喪邑令謝二賓往訪之公辭之不獲已乃不易服接見謝顏其門曰高士學者稱為簡平先生卒年八十著有兩餘茅舍集贊曰麻衣如雪師門盡哀是禮法士有經濟才

簡平先生像




國家圖書館 NATIONAL CENTRAL LIBRARY, TAIWAN, R.O.C.



公姓唐諱時升字叔達嘉定人少有異才未三十謝去舉子業讀書
 汲古通達世故為人志大論高意思豁然好古人奇節偉行討論成
 敗興亡之故若身在其間者家貧好施鋤舍後兩畦地種菘翦韭晚
 年閉門止酒讀莊列書得養生之旨詩放筆而成四明謝三賓令嚶
 時為刻三易集與婁程李並行世曰嘉定四先生集卒年八十六葬
 嘉定南門外

贊曰狂者進取志大言高於天下事洞燭纖毫

畫 貢 士 像




程 松 員 像



吳郡名賢圖傳卷之十一
公姓婁諱堅字子柔嘉定人由江東徙居南城經明行修學者推為
大師年五十貢於春官不仕而歸其師友皆出震川之門傳其流風
以教學者書法類東坡尺牘寸簡人爭購焉年六十五卒葬南門外
石岡橋門南
贊曰婁氏子柔詩才精絕程李與唐齊名四傑

國家圖書館 NATIONAL CENTRAL LIBRARY, TAIWAN, R.O.C.



公姓程諱嘉燧字孟陽歙縣人僑居嘉定折節讀書刻意為詩善畫山水酒闌歌罷尺蹠便面筆墨飛動或貽書致幣請乞摩挲縮瑟經歲不能就一紙大倉王罔伯嘗謂子孟陽世無嚴武誰識少陵當今能客孟陽者海陽顧益卿耳為治行裝渡江寓古寺與一二酒人酣飲三日夜賦古詩五章不見益卿而反後歸新安老焉人稱之日松圓詩老卒年七十九所著有松圓詩集耦耕堂集贊日松圓詩老有聞於時寄跡海隅不求人知

吳郡名賢圖傳贊卷十二

長洲顧


沅湘舟楫

贊

贊

贊

像



公姓程諱嘉燧字孟陽歙縣人僑居嘉定折節讀書刻意為詩善畫山水酒闌歌罷尺蹠便面筆墨飛動或貽書致幣請乞摩挲縮瑟經歲不能就一紙大倉王罔伯嘗謂子孟陽世無嚴武誰識少陵當今能客孟陽者海陽顧益卿耳為治行裝渡江寓古寺與一二酒人酣飲三日夜賦古詩五章不見益卿而反後歸新安老焉人稱之日松圓詩老卒年七十九所著有松圓詩集耦耕堂集贊日松圓詩老有聞於時寄跡海隅不求人知

吳郡名賢圖傳贊卷十二

長洲顧


沅湘舟

贊

贊

贊

像



公姓龔諱元祥字子禎長洲人萬曆四十二年舉于鄉崇禎四年為
霍山教諭與訓導姚允恭友善砥厲廉隅以名教自任八年賊陷鳳
陽公偕縣令守禦賊至令逸去公督士民固守或勸避公曰食祿避
難不忠臨危棄城不義儻不測死爾及城陷整衣冠危坐賊至諭以
大義賊欲屈之厲聲曰死即死賊輩何敢辱我賊怒執之罵不絕口
遂遇害時年五十六子炳衡亦死之事聞贈國子助教建祠中營基
巷

國朝乾隆四十一年

賜諡烈愍


贊曰砥礪廉隅維持名教罵賊死忠子亦死孝

龔

元

祥

字



公好彭諱汝諧字原樂長洲人少孤萬厯庚子領鄉薦殫精肄業性
純粹篤天倫奉慈訓如嚴師撫孤姪以成人四上春官不第乞授丹
徒縣學教諭慎典禮修建學宮編史董漕至郊迎長揖御史厲聲誚
讓公據典以爭弗為屈四十四年舉進士觀政兵部未匝月卒於邸
年四十六葬游湖西
贊曰志遠才高措施卓犖惜哉令器始仕不祿

張

炎


慈

像



贊曰志遠才高措施卓犖惜哉令器始仕不祿
公好彭諱汝諧字原樂長洲人少孤萬厯庚子領鄉薦殫精肄業性
純粹篤天倫奉慈訓如嚴師撫孤姪以成人四上春官不第乞授丹
徒縣學教諭慎典禮修建學宮編史董漕至郊迎長揖御史厲聲誚
讓公據典以爭弗為屈四十四年舉進士觀政兵部未匝月卒於邸
年四十六葬游湖西

國家圖書館, NATIONAL CENTRAL LIBRARY, TAIWAN, R.O.C.



公姓張諱振德字季脩崑山人萬曆四十四年以選貢授四川興文縣時永寧酋奢崇明有異志公至請于兩臺復弓手舊額嚴酋人出人之禁崇明以二十金為壽裂書却之天啟元年被檄入闡崇明遣黨樊龍等陷崇慶收殺撫臣藩臬據重慶叛時公方兼署長寧去賊稍遠從者欲走長寧公曰興文吾上也遂疾趨入守之賊猝至督兵與戰會大風雨賊毀土城入公度力不支遂率家人北面拜曰臣奉職無狀不能殺賊惟以一死明志妻及二女伏劍死乃命家人舉火燬自刎一門及僕從死者九人事聞贈光祿卿諡烈愍勅建特祠在麗澤門外葬西塘鄉張涇口


贊曰季修剛介古之烈士握節守官名炳前史

張

振


德


像



公姓瞿諱式帮字起田號稼軒常熟人居北郭外景淳孫汝說子萬
 歷四十四年進士由江陵令入為戶科給事中搏擊權豪大臣多畏
 之坐事貶謫崇禎十七年福王立起應天府丞擢右僉都御史巡撫
 廣西定亂有功南都破唐王立擢公戶部右侍郎協理戎政公未赴
 召順治二年汀州破乃迎立永明王於梧州進吏部右侍郎東閣大
 學士兼掌兵部力保危疆支持數載轉武英殿大學士兼吏兵二部
 尚書桂林留守臨桂伯七年十一月
 大兵破桂林與總督張同敵並死之訃未至日先有鶴翔集家庭始
 知公英靈不爽焉
 乾隆四十一年
 特賜諡忠宣墓在拂水岩頂
 贊曰搏擊賢豪以身殉國化鶴歸來英靈不滅

王 節 忠 像






贊曰讓產絢歲擊賊中年回風反火神靈蕭然
賜諡節愍

公姓王諱燾字濟仲崑山人少孤貧九歲為人後族人有謀其產者
公舉以讓迎養嗣祖母及母惟謹萬曆四十六年舉於鄉由教諭歷
隨州知州州經盜焚掠戶不滿千公訓民兵繕守具土寇李良喬為
亂殲滅之十年正月賊至公且守且戰擊斬三百餘人賊攻益力相
持二十餘日天大風雪守者多散公知事敗入署整冠帶自經賊焚
其署火獨不及公死所直立不仆賊望見駭走已覓州印得之公所
立尺土下事聞贈太常少卿諡烈愍建雙忠祠與同邑蔡懋德並祀
乾隆四十一年

吳郡名賢圖傳贊 卷十三

五

國家圖書館, NATIONAL CENTRAL LIBRARY, TAIWAN, R.O.C.



公姓夏諱萬亨字元禮崑山人萬歷四十六年舉人由婺源教諭陞西平縣三年改夏邑夏邑地小民疲不可以用兵賊嘗頓首城下公開門解諭之而去福王立迎太后於河南擢江西布政使言者以為驟改僉事分巡南昌瑞州尋陞按察使署布政事南都潰公奉其母至撫州屬於門生聞南昌失守乃入建昌奉益王監國建昌破被執至武昌死之妻顧氏子婦陸氏及孫祥生孫女先赴井死奴僕死者十餘人

國朝乾隆四十一年

賜諡烈愍

贊曰從容就義視死如歸闔門同殉青燐夜飛


國家圖書館, NATIONAL CENTRAL LIBRARY, TAIWAN, R.O.C.

顧

氏

像

傳




公姓顧諱宗孟字巖叟長洲人居天賜莊少孤母莊守節教之萬曆四十七年成進士授定海令多惠政天啟辛酉有調援之役定兵怒其帥婪侵鼓譟劫掠變起倉卒公至武場諭以大義即解散就伍乃按籍抽選嚴隊進發而潛疏渠首于巡撫正法焉在任五年及去民爭攀留追送擢御史遇事敢言周忠介逮下詔獄公力任橐篋尋乞終養歸崇禎初起為福建參議以母老懇辭不赴居喪哀毀三年不御酒肉卒年五十二人稱孝介先生與文文肅震孟姚文毅希孟稱吳中三孟云墓在匠門塘贊曰節母之子孝行朴淳五年定海治民若神

李

副


像

像



公姓李諱吳滋字伯可號如穀又號百穀其先太倉人嘉靖間避倭
寇亂移居郡中桃花塢公登萬曆四十七年進士歷官至湖廣副使
致仕歸公居官所至有政聲而樹德於桑梓九深年八十九坐逝著
有鳳棲閣集

贊曰委蛇其形脫屣其名與道大適來去分明




桃

文

穀

伯



國家圖書館, NATIONAL CENTRAL LIBRARY, TAIWAN, R.O.C.

公姓姚諱希孟字孟長吳縣人居中街路生十月而孤事母以孝稱
 讀書修行與舅文震孟並負時名萬曆四十七年成進士改庶吉士
 天啟初震孟亦取上第入翰林甥舅益持清議與周順昌為患難交
 六年以母喪歸甫出都給事中楊所修劾其為繆昌期死黨遂削籍
 忠賢敗其黨倪文煥懼誅使使持厚賄求解公執而鳴之官崇禎初
 特起左贊善至詹事與震孟陳仁錫並直經筵因事激發後先侃侃
 人謂酷似其舅以忤溫體仁出為南都掌院尋移疾歸家居二年卒
 年五十八葬婁門外瓊巷村崇禎壬午贈禮部侍郎追諡文毅並陰
 子給祭


贊曰孟長令譽酷似其舅清議並持如杓倚斗

頤

顛

心

像




公姓顧諱錫疇字九疇崑山人萬曆四十七年進士授檢討天啟四年公典試福建魏忠賢因策有譏刺指為東林黨削籍崇禎初起復累拜禮部侍郎帝問理財用人公極陳耗財之弊並疏陳用人五失帝嘉之忤首輔楊嗣昌復削籍歸十五年復起南京禮部侍郎福王立進尚書請補建文廟諡景皇帝廟號及建文朝忠臣贈諡從之請削溫體仁諡補文震孟羅喻義姚希孟呂維祺諸臣諡悉報可時馬士英當國不合致仕南都失守唐王命以故官督師力辭寓溫州江心寺總兵賀君堯撻辱諸生公將論劾之君堯夜使人殺之投尸於江溫人覓之三日乃斂

國朝乾隆四十一年

賜諡節愍祠在馬鞍山東麓

贊曰用人與財維國之寶荆棘滿朝不容勁艸



公姓文諱震孟字文起長洲人家寶林寺前待詔徵明會孫天啟二年廷對第一時逆璫漸用事正人以次竄逐公入翰林未幾降級調外尋以顧同寅獄牽連削秩及周忠介之逮吳民頽佩韋等擊殺緹騎東林諸君子駢首就戮公自分必及於難僅獲免崇禎改元起諭德充纂修日講官較對光宗實錄因三案是非顛倒疏請改定其在講筵尤多所啟沃超拜禮部左侍郎兼東閣大學士而同列疾之入直僅兩月與何吾騶俱見逐襍被出都行李蕭然丙子夏卒年六十三葬行春橋左福王時諡文肅


贊曰吳中三孟文位最隆繩愆糾謬古大臣風

華

節

忠

像




公姓華諱允誠字汝立號鳳超長洲人天啟二年進士授工部都水
 司主事魏闡用事解職歸崇禎己巳起補營繕司主事尋陞員外郎
 其冬京師戒嚴諸曹郎守城公守德勝門旨特褒譽調兵部職方員
 外郎協贊郎中上三大可惜四大可恨疏皆切中時弊尋以終養乞
 歸福王立南都起補吏部驗封司員外分署選司事不一月謝政歸
 南都覆公杜門不出者三年戊子以不薙髮見殺
 國朝乾隆四十一年
 賜諡節愍
 贊曰捨擊權奸東林正士遭時坎珂不惜一死

葉

文

莊

像



公姓陳諱仁錫字明卿長洲人居葑門下塘天啟二年進士第三人授編修時第一為文震孟海內咸慶得人尋丁內艱廬墓二年服闋補講官倦倦以博謀廣詢親賢遠好為言魏忠賢用事冒世爵給肅寧侯鐵券欲得誥詞公當視艸請急不入直璫曰屬艸則鼎鉉不則齒斂堅不屬草璫銜之坐妖書孫文豸之獄削籍歸崇禎改元起原官累遷南祭酒卒年五十六予祭葬墓在射瀆賜專祠在虎邱望山橋公少事毘陵錢啟新學邃於易理博通經濟之學編輯甚富為著述家稱首福王時諡文莊

贊曰博聞稽古海內知名不艸世券鐵中鉉錚

頤


信

御

像



公性剛直其國字亦一也其人素尚書若天啟二年進士對策豐稔



公姓顧諱其國字在一吳縣人家尚書卷天啟二年進士授永豐縣
 移劇吉水靖荏苒蠲羨耗歲值災祲曲措糧賦捐俸建奎閣葺方橋
 為兩縣士民興無窮利擢御史巡視陝西茶馬解京馬匹獨逾故額
 票茶販市剔弊無遺以不附權貴黨左遷行人司副晉司正遽卒公
 賦性清貞關陝地寒例用貂帳公驚而撤去終其任不攜一絨歸囊
 空若洗官居臺憲行類書生卒葬仙人塘祠在護龍街
 贊曰恥附權黨秉性堅貞官居臺諫業守書生

齋


忠

敬

像



國家圖書館, NATIONAL CENTRAL LIBRARY, TAIWAN, R.O.C.




公姓張諱國維字其四號玉筍浙江東陽人天啟二年進士除廣東
 番禺令屢擒巨盜卓異擢刑科給事中歷遷太常少卿崇禎七年擢
 右僉都御史巡撫安慶應天等十府寬厚得士大夫心屬郡災傷輒
 為請命築太湖繁昌二城建蘇州九里石塘及平望內外塘長洲至
 和等塘修松江捍海隄在任七年士民德之建祠虎邱遷工部右侍
 郎總理河道十五年擢兵部尚書又以原官督浙直兵餉甫出而都
 城陷福王立以為京營尚書馬士英阮大鍼惡之入蝗蝻錄遂乞歸
 後迎立魯王王以公為大學士督師江上義烏破具衣冠南向拜曰
 臣力竭矣作絕命詞從容赴池死

國朝乾隆四十一年
 賜諡忠敏

贊曰撫綏十郡大度淵涵疏通水利澤被東南

周 夔 節 像




公姓周諱室琳字韞美號天存崑山人諸生時名甚讓祖侍御元暉以著涇林續紀被仇誣奏逮父公纘叔公纘亦訟繫公年十九赴闕訟冤疏再上事始得白詔歸肄業天啟四年登賢書明春赴禮闈主司以上第招之謝不應後以疾廢卒年甫四十有二公幼為仲父後不較嗣產事所生盡孝侍兩兄友愛性好施予九重宗党設義塾訓族子弟藉以成者不少朱太史天麟議私諡為孝節先生贊曰至行必彰惟誠則契不學而能士思其次

管

齋

頤

像



公姓管諱玉音字振之長洲人天啟五年進士歷工部營繕司郎中督造德陵殫心節費崇禎己巳冬京師戒嚴議造城上箭簾大璫欲破冒本部尙書張鳳翔薦公任之不日完工省費鉅萬璫銜之蜚語中傷廷杖歸養病數年卒贊曰督造陵工省費節財璫人生怒拜杖平臺

李

超


叟

像



公姓管諱玉音字振之長洲人天啟五年進士歷工部營繕司郎中督造德陵殫心節費崇禎己巳冬京師戒嚴議造城上箭簾大璫欲破冒本部尙書張鳳翔薦公任之不日完工省費鉅萬璫銜之蜚語中傷廷杖歸養病數年卒贊曰督造陵工省費節財璫人生怒拜杖平臺

國家圖書館, NATIONAL CENTRAL LIBRARY, TAIWAN, R.O.C.



公姓李諱模字子木吳縣人吳滋子家桃花橋天啟五年進士除東
 莞令舉卓異授御史旋丁艱服闋補原官力陳國計民情疏凡十餘
 上巡視三關多與建諸利旋以糾鎮監犯璫怒謫南雍典籍甲申福
 王立補御史慷慨上疏畧言諸臣能認罪方能建功上不以得位為
 利諸臣何敢以定策為名 概勳爵並應辭免卒為秉鈞者所忌以
 病歸事父孝當事造虛稀得一見著書自娛年八十有二卒葬龍墩
 贊曰糾彈驕帥謹言是司潔身孝養言孫行危

李

王


事

像



贊曰糾彈驕帥謹言是司潔身孝養言孫行危
 公姓李諱模字子木吳縣人吳滋子家桃花橋天啟五年進士除東
 莞令舉卓異授御史旋丁艱服闋補原官力陳國計民情疏凡十餘
 上巡視三關多與建諸利旋以糾鎮監犯璫怒謫南雍典籍甲申福
 王立補御史慷慨上疏畧言諸臣能認罪方能建功上不以得位為
 利諸臣何敢以定策為名 概勳爵並應辭免卒為秉鈞者所忌以
 病歸事父孝當事造虛稀得一見著書自娛年八十有二卒葬龍墩
 贊曰糾彈驕帥謹言是司潔身孝養言孫行危

國家圖書館, NATIONAL CENTRAL LIBRARY, TAIWAN, R.O.C.



公姓葉諱紹袁字仲韶吳江人家汾湖上有午夢堂公少負雋才工詩賦天啓五年舉進士選南京武學教授遷虞衡主事念母老遂乞養歸與妻沈宜修具菽水邀親歡宜修字宛君副使琬女工詩生五子三女並有文藻一門之內更相倡和無何母及妻女相繼歿幽憂憔悴杜門蕭然如枯槁乙酉後棄家為僧號粟庵輯一時死節諸臣事未就而卒年六十公詩詞韶秀有溫李冬、即之遺意
贊曰仲韶才豔屈宋之流寄愁窈窕聞眇慮通幽

葉


青

傑

像



國家圖書館, NATIONAL CENTRAL LIBRARY, WASHINGTON, D.C.



公姓葉諱紹珩字季若吳江人紳四世孫天啓五年進士授行人考選監察御史巡按廣東值海盜劉香老作亂公悉心籌畫滅之海疆底定再巡山西有邢老虎者方肆毒甚慘公檄文武同心勦禦殲之十一年京師戒嚴詔廷臣舉堪督撫者公承詔薦中書舍人陳龍正時稱其知人進太僕寺卿陞大理寺卿以母施氏年高力請歸得盡色養母歿後又數年而卒年七十七所著有按粵疏草按晉矜疑傳世贊曰繡衣行部出按海疆夔夷羣醜論薦賢良

臣

忠

節

像



Inches 1 2 3 4 5 6 7 8 9 10 11 12 13 14 15 16 17 18 19

Centimetres TIPPEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black